

Festival Tumberito 2014 ta cla pa sigui

ORANJESTAD (AAN): Comision Tumberito, cual ta e comicion di SAC encarga cu organizacion di e festival, ta duna informacion encuan to e preparacionnan pa Festival Tumberito.

Manera ya ta conoci den comunidad Festival Tumberito ta e festival di musica tumba special pa nos muchanan, tanto den e categoria infantil como hubenil. Pueblo di Aruba a sa di admira e tumbanan di gran calidad y semper a apoya nos muchanan. E aña aki lo no ta diferente y atrobe dia 24 di januari proximo lo ta dia di Festival Tumberito 2014 den Aruba Entertainment Center.

Ya for di 2 di juni 2013 a habri inscripcion pa Festival Tumberito 2014. E comision a haci uzo duran-

te aña di medio di prensa, esta corant y radio pa informa tur mayor di e preparacionnan. Inscripcion pa e festival a sera dia 11 di november 2013. Riba e fecha aki Festival Tumberito a sera inscripcion cu 15 participante. Dia 30 di october 2013 a tene reunion general cu tur mayor hunto cu nan compositor y areglista.

Durante e reunion aki a informa mayornan di reglanan, y mayornan unanivamente a bay di acuerdo cu esaki. Mayornan a firma e reglanan aki pa asina ta responsabel pa cumpli cu nan yiu y cu Festival Tumberito. E reglanan aki ta nan compromiso cu e Festival pa asina Comicion Tumberito conhuntamente cu Director Musical por cumpli cu cada participante

pa nan por ricibi suficiente tempo di ensayo pa tene un bunita presentacion, mescos cu e banda lo tin tempo pa prepara su mes y brinda calidad di musica.

Den luna di december Comision Tumberito a tene contacto cu diferente mayor y/of compositor/arreglista pa encurasha nan pa keda cla cu nan cancionnan na tempo. Manera palabra 31 di december a bira e ultimo fecha pa entrega letra y areglonan di e cancionnan participante. Teniendo na cuenta cu e ta derecho di cada mucha participante di ricibi e 'fair' chens di gana e festival di Tumberito bon prepara, a tene diasabra mainta un reunion general cu mayornan di participantenan.

Aki Comicion Tumberito, cu sosten di SAC como tambe cu sosten di tur mayor cu tin yiunan ta par-

ticipando, unanivamente a fiha cu den total Festival Tumberito 2014 lo continua cu 5 cantante den seccion Infantil y 5 cantante den seccion Hubenil.

INFANTIL:

- (1) Ashantee Martis cu Titulo: ESAKI TA E ORA.
 - (2) Xenon Daal cu Titulo: BAN CELEBRE
 - (3) Priscilla Quant cu Titulo: AWE TIN FIESTA CU PIJATA
 - (4) Thahirah Wever cu Titulo: HASA BA KEDA HASA
 - (5) Sindy Loefstop cu Titulo: HIEP HIEP HOERA
- 60 AÑA NOS TEY CELEBRA

HUBENIL

- (1) Ashanti Rodriquez cu Titulo: HONOR NA BO
- (2) Mary-Jane Vrolijk cu Titulo: E ORA A YEGA
- (3) Franksjien Vos cu Titulo: TE AYA
- (4) Gilaine Wester cu Titulo: PIA TEY ZONA ZA ZA
- (5) Kayhleen Semerel cu Titulo: TUMBA RIBA MENU

Pa finalisa Comision Tumberito ta encurasha tur mayor pa mantene nan mes na e orarionan di training manera cu esakinan keda stipula. Asina hunto nos lo duna tur e participantenan e sosten cu e tin mester pa por gosa di un bunita experiencia di Tumberito 2014.

Telefonnan di DIARIO
582-6747
Fax 582-8551